

ՀՈԴՎԱԾՆԵՐ ԵՎ ՀԱՂՈՐԴՈՒՄՆԵՐ СТАТЬИ И СООБЩЕНИЯ

ՀԱՐՏԱՐԱՊԵՏ ՆԻԿՈՂԱՅՈՍ ԲՈՒՆԻԱԹՅԱՆ

Լ. Կ. ԴՈՒՌԻՆԱՆՅԱՆ

Նիկողայոս Բունիաթյանը Հայաստան եկավ 20-ական թթ., երբ մեր եր-
կիրը սովետական իշխանության հաղթանակից հետո իր վերածնունդն էր
ասլորում, երբ տեղի էր ունենում արմատական բեկում դադարախոսության,
մշակույթի, գիտակցության և կենցաղի մեջ: Նորարարության ձգտումը նը-
կատվում էր կյանքի բոլոր ասպարեղներում: Այդ տարիների իրադրությունը
ծնում էր նոր արվեստ և ճարտարապետություն, որոնք ազատ զարգացման
լայն հնարավորություններ էին ստացել:

20-ական թթ. Հայաստանում նշանավորվեցին հեղափոխական գաղա-
փարախոսության բարձր վերելքով, և որպես արդյունք՝ հիմք դրվեց հայկա-
կան սովետական արվեստին, ծնվեցին գեղարվեստական նոր ավանդույթներ:

Այս դժվար ու պատվավոր խնդրի լուծումն ընկավ սովետահայ մշա-
կույթի գործիչների առաջին սերնդի վրա, որի ներկայացուցիչներն էին այն-
պիսի նշանավոր ճարտարապետներ, երաժիշտներ, նկարիչներ, գեղաներ,
ինչպիսիք էին Ալեքսանդր Թամանյանը, Թորոս Թորամանյանը, Մարտիրոս
Սարյանը, Հակոբ Կոչոյանը, Ռոմանոս Մելիքյանը, Ալեքսանդր Սպենդիար-
յանը, Նիկոլե Չարենցը և շատ ուրիշներ: Նրանցից ամեն մեկի ստեղծագոր-
ծական ջանքերով, առանձին և համատեղ գործունեությամբ ստեղծվում էր
Սովետական Հայաստանի նոր մշակույթը: Նիկողայոս Բունիաթյանը հայկա-
կան նոր արվեստի զարգացման ակունքներին կանգնած այդ փալուն հա-
մաստեղությանն էր պատկանում. նա այն ճարտարապետների շարքում էր,
որոնք անում էին նոր ճարտարապետության առաջին քայլերը: Նա մեծ հայ-
րենասեր էր ու մեծ քաղաքացի, իր գործով միշտ ձգտում էր, որ իր ժողովրդի
արվեստը ճանաչելի դառնա ողջ մարդկությանը:

Նիկողայոս Բունիաթյանը ծնվել է 1876 թ. (որոշ փաստաթղթերով՝
1884 թ.) Թիֆլիսում: Արվեստի և ճարտարապետության ուսումնառությունն
սկսել է Օդեսայի գեղարվեստական ուսումնարանում, որն ավարտելուց հետո
մեկնում է Պետերբուրգ՝ սովորելու Գեղարվեստից ակադեմիայում: Գերա-
զանց ավարտելով ակադեմիան, 1914 թ. ստանում է ճարտարապետ-նկարիչ
կոչում և անմիջապես ընդգրկվում պետերբուրգյան, ապա նաև մոսկովյան
ճարտարապետական կյանքի մեջ: Նա Մոսկվայի առաջին համամիութենական
գլուղատնտեսական և ճյուղային արդյունաբերության ցուցահանդեսի մի շարք
տաղավարների նախագծողն ու կառուցողն էր: Դրանցից ամենաաչքի ընկնո-
ղը Հայկական ՍՍՀ տաղավարն էր: Աշխատել է որպես Մոսկվա-Կազան եր-
կաթուղու վարչության ճարտարապետ: Նույն երկաթուղու մերձմոսկովյան
Կրատովո կայարանի մոտ Ա. Թամանյանի և Վ. Սեմյոնովի նախագծած
«Հոբելյանական» ավանի շինարարության ժամանակ Թամանյանը Բունիաթ-
յանին հրավիրում է այդ շինարարությունը ղեկավարելու: Այդպիսով Բու-
նիաթյանը առաջին անգամ դարձավ Թամանյանի քաղաքաշինական գաղա-
փարների իրականացման անմիջական մասնակիցը: Համատեղ աշխատանքի
այս փորձը հետադառնում վերաճեց երկու վարպետների ստեղծագործական
խորը փոխըմբռնման և մեծապես նպաստեց նրանց աշխատանքին՝ Երևանի
պլավոր հատակագիծը իրականացնելու ընթացքում:

1924 թ. Հայաստանի կառավարության հրավերով Բունիաթյանը ստանձնեց Երևանի առաջին գլխավոր ճարտարապետի պաշտոնը՝ որը հմտորեն վարեց մինչև 1938 թ.։ Դա բարդ ու պատասխանատու խնդիր էր, որի համար անհրաժեշտ էր ունենալ ժամանակակից քաղաքաշինական հարցերի խոր իմացություն, շինարարական մեծ փորձ։ Բունիաթյանի քաղաքաշինական գործունեության արժեքավոր հատկանիշներից մեկն էլ այն էր, որ քաղաքի շինարարության ժամանակ ճարտարապետը բացառիկ խնամքով էր մոտենում պատմական հուշարձաններին։ Նա գնահատում, պահպանում և ուսումնասիրում էր Երևանի մշակութային արժեքները։ Այդ տեսակետից հիշարժան են Բունիաթյանի մի շարք ուսումնասիրությունները՝ «Հին Երևանը Իրանի իշխանության դարաշրջանում», «Հայաստանի ժողովրդական տների մի քանի տիպեր» և «Շահար մզկիթի վերանորոգումը»։ Բունիաթյանը խորապես գգում էր XIX դարի կեսերի և XX դարի սկզբի երևանյան ճարտարապետության յուրահատկությունները և քաղաքը նախագծելիս ու կառուցելիս հաշվի էր առնում նրա կառուցապատման բնույթն ու կոլորիտը։ Բունիաթյանի կողմից մասնակալից քաղաքաշինական պրոբլեմների լայն ըմբռնման և այդ պրոբլեմների լուծման գործնական վարպետության պերճախոս վկաները նրա կառույցներն են, որոնք աչքի են ընկնում ծավալային փայլուն լուծումներով, անսամբլային մտածելակերպով և հանրապետությունում մեծ շինարարության սկիզբը ավետեցին։ Դրանցից էին մեկ հարկանի տները՝ Նալբանդյան փողոցում՝ կառուցված առանձին ընտանիքների համար, որոնք ալդպես էլ կոչվում էին՝ «Իրավաբան Չուբարի տուն», «Բժիշկ Հակոբյանի տուն», այնուհետև առաջին՝ Շահումյանի անվան դպրոցը, առաջին կրկեսը՝ 800 հանդիսատեսի համար (փայտյա կառույց այժմյանի տեղում), առաջին՝ «Խնուրիստ» հյուրանոցը և այլն։ Ալդպես մոտ 80 մեծ ու փոքր կառույցներ, որ Բունիաթյանի նախագծերով իրականացված են Երևանում և հանրապետության այլ վայրերում։

Ն. Բունիաթյանը մեծ ընդգրկումների ճարտարապետ էր, նախագծող, հետադոտող, ուսուցիչ, արվեստագետ, հասարակական գործիչ։ Նա հայրենիք եկավ, երբ երիտասարդ հանրապետությունը մասնապետների խիստ կարիք ուներ։ Բունիաթյանը գլխավորեց ոչ միայն Երևանի կառուցապատումը, այլև կադրերի պատրաստման գործը։ Մոսկվայի բարձրագույն գեղարվեստա-տեխնիկական արվեստանոցում (ВХУТЕМАС) և պոլիտեխնիկ ինստիտուտում 1917—1925 թթ. նրա աշխատանքի փորձը նպաստեց հանրապետությունում ճարտարապետական ուսման գործը կազմակերպելուն։ Նա Երևանի համալսարանի ճարտարապետական բաժնի հիմնադիրը՝ հանդիսացավ, 1924 թ. մինչև 1938 թ. դասավանդում էր այդտեղ, վարելով նաև ճարտարապետության ամբիոնի վարիչի պաշտոնը։ Սովետական Հայաստանի ճարտարապետների առաջին սերունդը՝ Բունիաթյանի սաները, միաժամանակ աշխատում էին Երևանի քաղխորհրդի ճարտարապետական-հատկագծային արվեստանոցում, որը նույնպես կազմակերպել ու ղեկավարում էր Բունիաթյանը։ Այստեղ ուսանողները պրակտիկ գործունեության հնարավորություն ունեին։ Հետագայում նրանցից շատերը դարձան Սովետական Հայաստանի առաջատար ճարտարապետներ։

Ճարտարապետի ստեղծագործական ուղին բարդ էր։ Վաղ շրջանում նա հետևում էր ռուսական կլասիկայի ոճին։ Երևանի մի շարք բնակելի տներ կրում են այդ աղղեցությունը։ Իրենց ճարտարապետությամբ հետաքրքիր են Նալբանդյան և Թումանյան փողոցների հատման անկյուններում գտնվող երկու միատեսակ տները։ Հատկագծային ներս ընկած կորագիծը հնարավորություն է ընձեռել տների դիմաց կազմակերպելու փոքրիկ պուրակներ, որոնցով տները մասամբ մեկուսացվել են խաչմերուկի աղմուկից։ Կառույցներն աչքի են ընկնում իրենց կենսուրախությամբ, արտահայտչականությամբ, օրհասական ներգծվել են շրջապատի կառուցապատմանը և այսօր էլ շահեկանորեն առանձնանում են իրենց ճարտարապետական լուծումով։

Ռուսական ճարտարապետության ոճով էր կառուցված Հայաստանի

առաջին տաղավարը Մոսկվայի Համամիութենական գյուղատնտեսական յուցահանդեսում (1922 թ.): Հետագայում, Երևանում «Ինտուրիստ» հյուրանոցի հակատներն ու ինտերյերները մշակելիս, Բունիաթյանը օգտվել է դասական ճարտարապետության ձևերից: Լինելով դասական ճարտարապետության դպրոցի՝ պետերբուրգյան Գեղարվեստից ակադեմիայի սանր, Բունիաթյանը չէր կարող լրիվ հեռանալ այդ դպրոցի ավանդույթներից, բայց դրա



հետ մեկտեղ նա փնտրում էր գեղարվեստաճարտարապետական արտահայտչականության նոր ձևեր, որոնք համահնչուն լինեին նոր դարաշրջանին: Նա կարծում էր, որ հայկական պատմական ճարտարապետության հարուստ ժառանգությունը կարող է ամուր հիմք լինել նոր ճարտարապետական ուղղության համար: Երևանի Շահումյանի հրապարակում գյուղբանկի շենքը կառուցելիս Բունիաթյանը փորձեց օգտագործել հայկական միջնադարի ճարտարապետությունը:

20-ական թթ. դեռևս չկտր հստակ պատկերացում, թե ինչպե՞ս, ի՞նչ ուղղությամբ պետք է զարգանար մեր ճարտարապետությունը: Մասնագետներից ամեն մեկը չուրովի որոնում և մըշակում էր իր սեփական ստեղծագործական կոնցեպցիան: 20-ական թթ. վերջում հայկական ճարտարապետության մեջ նոր հոսանք երևաց՝ ի դեմս Հայաստանի պրոլետար ճարտարապետների կազմակերպության, որն իր հիմքում ուներ մեր դարի ռացիոնալիստական ճարտարապետության ըսկրզբունքները և ռուսական կոնստրուկտիվիզմի պրոգրեսիվ շատ դրույթները:

Այս կազմակերպության առաջատարներն էին ճարտարապետներ Կարո Հակոբյանը, Միքայել Մաղմանյանը, Գևորգ Քոչարը: Նրանք հանդես էին գալիս հանուն նոր ճարտարապետության զարգացման ու ստանդարտիզացիայի, հանուն շինարարական նոր կոնստրուկցիաների ու նյութերի և այլն: Ն. Բունիաթյանն, իհարկե, զդում էր ճարտարապետական նոր ոճ ստեղծելու անհրաժեշտությունը և ժամանակի պոլություն ունեցող ճարտարապետության մեջ արդեն տեսնում էր նորի սաղմերը:

«Ժամանակակից ճարտարապետության ոճը և հայկական կերպարվեստը» հոդվածում Ն. Բունիաթյանը գրել է. «... ճարտարապետությունը սկսել է ձևոր բերել մի շարք իրահատուկ այնպիսի նոր գծեր, որոնք ժամանակի լնթացքում կարող են ստանալ ոճի էլեմենտներ, այսինքն տեխնիկական պրիոմներ և կառուցման ձևերի հարմոնիկ ու ռացիոնալ դուզակցում: Այդ բուրո ուղղությունները, անկախ նրանից, որ մենք կկոչենք նրանց կուբիզմ թե կոնստրուկտիվիզմ, դեռ չեն ստեղծել, բայց անկասկած, ստեղծում են մեր ժամանակաշրջանի ոճը: Նոր ոճի լուզունգն է՝ կոնստրուկցիայի և նյութերի ռացիոնալ օգտագործումը: Մնացյալը պիտի լրացեն նյութի տեսականները և տվյալ միջավայրի կլիմայական, աշիարհագրական և ազդագրական առանձնահատկությունները»¹: Այնուհետև Բունիաթյանը եզրակացնում է, որ «ոճը ստեղծվում է կուբիզմի կառուցումներով: Ամեն մի երկիր, ամեն մի ժողո-

¹ «Արվեստ», 1926, № 1-2:

վուրդ պետք է մտցնի իր ստեղծագործական աշխատանքի բաժինը համաշխարհային ճարտարապետության ընդհանուր օբյեկտների մեջ: Ապագան ցույց կտա, թե վերոհիշյալ մատնանշված ուղղությունը, որ բխում է և էպոխայի տնտեսական հանգամանքներից, որքան առաջ կբերի ճարտարապետների ուղղորդողներին, որոնք կստեղծեն մոռացված տրադիցիան և կմշակեն նոր սեփական էսթետիկան»²:

20-ական թվականների վերջերին Բունիաթյանը համոզված անցավ ուս-ցիոնալիստական ճարտարապետության: Այդ թվականներին կառուցած շեն-



Դուրյանյի շենքը Ստ. Շահումյանի անվան հրապարակում

քերը՝ բնակելի տներ Լենինի պողոտայում, «Խնտերնացիոնալ» և քաղխորհրդի բնակելի տներ Լենինի պողոտայի և Թումանյանի փողոցի խաչմերուկում, «Սևան», հյուրանոցը Շահումյանի հրապարակում, խոսում են Բունիաթյանի հակման մասին դեպի նոր ճարտարապետական ուղղություններ: Հատկապես բնորոշ է Նրեանում, Մարքսի փողոցում գտնվող բազմիք-լողավազանի ճարտարապետությունը: Բազմիքի նախագծի վրա աշխատելիս Բունիաթյանն այստեղ մտցրեց նոր բովանդակություն՝ լողավազան, այսպիսի մոտեցումը նկատելի է այդ տարիների նման տիպի շինություններում. հիմնական ֆունկցիալից բացի, բազմիքները պետք է դառնալին սպորտային և առողջապահական միջոցառումների վայր: Հետաքրքիր են կառույցի համաչափությունները, ծավալների հարաբերակցությունը, ծածկերի յուրահատուկ ուրվագիծը, որոնք հատուկ են ճարտարապետության կոնստրուկտիվիստական դպրոցին: Այս ամենը ավելի ցայտուն երևում է շենքի մակետի վրա: Նախագիծը իրականացնելիս նրա ճարտարապետության շատ նախնական մտահղացումներ կորսվեցին: Նույնը տեղի ունեցավ Ազիզբեկովի հրապարակում հրշեջ կայանի շենքը կառուցելիս:

Լենինի պողոտայի կառուցապատման մեջ իրենց ուրույն դերն են կատարում քաղխորհրդի երեք միատիպ բնակելի տները (կոչում էին «բնակելի կոմբինատ»), որոնք գտնվում են Սպանդարյան, Ամիրջան և Մարքսի փողոցների հատվածում: Այստեղ ճարտարապետը իր առջև դրել էր ոչ միայն գեղարվեստահատակագծային, այլև կենցաղասոցիալական խնդիրներ: Հաշվի

² Նույն տեղում:

առնելով բնակիչների պահանջները, նախատեսված էին կուլտուր-կենցաղա-
յին ծառայություններ, առաջին հարկերը տրամադրված էին խանութներին:
Այս շենքերի քաղաքաշինական դերը ակնհայտ է՝ նրանք աջակցում են պո-
ղոտայի կառուցապատման բնույթի և որոշակի մասշտաբի պահպանմանը,
ստեղծում են յուրահատուկ ճարտարապետական միջավայր: Ամիրյան փողո-
ցի և պողոտայի հատման անկյունում գտնվող երկու շենքերը միմյանց հետ
կապված են բարձր կամարով, որը Բունիաթյանը նախատեսել էր այն նպա-
տակով, որպեսզի պողոտայից տեսանելի լինի խորություն մեջ գտնվող միջ-
նադարյան հուշարձանը՝ Գրիգոր Լուսավորիչ եկեղեցին. ևս մեկ վկայություն,
թե ինչպիսի սիրով էր Բունիաթյանը փերաբերվում հին Երևանի ճարտարա-
պետական ժառանգությանը, ինչքան բարձր էր գնահատում այդ ժառանգու-
թյան գեղարվեստական ներգործության դերը՝ նորը ստեղծելիս:



«Խնտուրիստ» հյուրանոցը Ալովյանի փողոցի վրա

Ն. Բունիաթյանի ստեղծագործությունները, որոնք կատարված են նուրբ
քաղաքաշինարարի ղեկավարությամբ, ճարտարապետական մեծ տակտով և
պրոֆեսիոնալ խորը կուլտուրայով, օբյեկտային մտել են Երևանի կառուցա-
պատման մեջ և այդ էարգի մյուս շինարարությունների հետ միասին դարձել
քաղաքի 20—30-ական թթ. ճարտարապետական կերպարի կրողները: Այսօր
դժվար է սլատկերացնել Երևանն առանց Նիկողայոս Բունիաթյանի շենքերի:

Անվանի ճարտարապետի ստեղծագործական կենսագրության մեջ մեծ
տեղ է գրավում պատմական հուշարձանների հետազոտությունը: Ռուսա-
կան հյուսիսի հուշարձանների նրա ուսումնասիրություններն ու չափագրու-
թյունները, որ կատարել է 1911—1912 թթ. Գեղարվեստից ակադեմիայի և
Պետերբուրգի հնագիտական հանձնաժողովի առաջարկով, ժամանակին բարձր
գնահատվեցին ճարտարապետական հասարակայնության կողմից: Բունիաթ-
յանը ուսումնասիրել է Նովո-Լադոսկայա գավառի XV—XVIII դդ. փայտի և
բարի ճարտարապետության հուշարձանները՝ Տրոիցկայա եկեղեցին Պոմյա-

լով ու գյուղում, Վոզգլիժենսկայա եկեղեցին Շիժնեմում, Պոդոս-Պետրոս եկեղեցին Լիգովո գյուղում, Գոստինոպոլի տաճարը և այլն: Մեծ արժեք են ներկայացնում ուսական բաբոկոյի հուշարձանի, Մոսկվայի Մենշիկովյան աշտարակի շափագրությունները, որի նյութերը մասամբ տպագրվեցին³:

Ուսումնասիրելով ուսական ճարտարապետությունը, Բունիաթյանը խորապես ծանոթացավ նրա առանձնահատկություններին, որը հետագայում արտահայտվեց նրա գործնական աշխատանքներում՝ Ռուսաստանում և Հայաստանում բնակելի և հասարակական շենքեր նախագծելիս:

Հայկական հուշարձանների ուսումնասիրությամբ Ն. Բունիաթյանը գրադվեց սկսած 1914 թ. (երբ ակադեմիկոս Ն. Մառը նրան հրավիրեց մասնակցելու Շիրակի շրջանում կատարվող գիտարշավին) մինչև էր կյանքի վերջը՝ 1943 թ.: Ն. Մառի պեղումները հիմնականում կատարվում էին Անիի շրջակայքում. Բունիաթյանն այստեղ արեց մի շարք չափաչափումներ, ուսումնասիրություններ՝ Երեւույթի բազիլիկա, Աբուղամբենց եկեղեցի, Շիրակա վանի տաճար, որոնք այսօր հատկապես մեծ արժեք են ներկայացնում նաև այն պատճառով, որ դարձել են միակ փաստաթղթերը այդ հուշարձանների մասին: Անիի պալատական եկեղեցու Բունիաթյանի չափագրությունները հրատարակվեցին Ն. Մառի խմբագրությամբ և նախաբանով (1914 թ.):

Հայաստանում սովետական իշխանության հաղթանակից հետո կուսակցությունը և կառավարությունը հատուկ ուշադրության առարկա դարձրին պատմական հուշարձանների հետազոտման և պահպանման գործը. կապմակերպվեց հնությունների պահպանման ընկերություն: Հայաստանի բոլոր ճարտարապետները ակտիվորեն ներգրավվեցին այս գործին, ուսումնասիրելով և լրիվ ունչացումից փրկելով շատ հուշարձաններ: Այդ ժամանակից սկսած Հայաստանի պատմական հուշարձանների ուսումնասիրությունը ընդունեց սիստեմատիկ և գիտական բնույթ: Դրանում մեծ էր գիտնական-ճարտարապետ, հնագետ Թորոս Թորամանյանի դերը: Ն. Բունիաթյանը բարձր էր գնահատում Թ. Թորամանյանի ստեղծագործական ներդրումը ճարտարապետության գիտության ասպարեզում և գիտնականի մահվան օրերին գրած հուղածում ցույց էր տալիս Թորամանյանի դերը հայկական ճարտարապետության ուսումնասիրման գործում: Հոգևածում Բունիաթյանը նշում էր, որ Թորամանյանը առաջինն էր բացահայտեց հին վարպետների աշխատանքի մեթոդը, ուսումնասիրեց ու հայտնաբերեց հայ ճարտարապետության մեջ ոճի ժառանգորդականությունը: Մինչև Թորամանյանի աշխատությունները, գիտական աշխարհը քիչ էր տեղյակ մեր ճարտարապետության զարգացման առանձնահատկություններին, և գիտնականի աշխատությունները հայկական ճարտարապետության յուրահատուկ հայտնությունները դարձան: Ն. Մառի արտահայտությամբ «հայկական ճարտարապետության հուշարձանների լեզվի մեր առաջին ուսուցիչ» Թորամանյանը մեծ ազդեցություն ունեցավ Հայաստանի պատմական ճարտարապետության ուսումնասիրման վրա: Ն. Բունիաթյանը դարձավ նրա առաջին հետևորդներից: Նա գիտակցում էր հայկական ճարտարապետության գիտական ուսումնասիրության անհրաժեշտությունը և գտնում էր, որ Հայաստանի ճարտարապետությունը դարեր շարունակ մոռացված է եղել, քիչ է ուսումնասիրվել, և ընդհանրապես հայկական արվեստի պատմությունը քիչ է հայտնի լայն մասսաներին, իսկ արևմտալուրդական ուսումնասիրությունները կատարված են առանց հաշվի առնելու պատմական ռեալիտետները, բնական միջավայրից անջատ, կարծես Արևելքում Հայաստանը մենակ էր և մեկուսացված: Մինչդեռ, հայկական ճարտարապետության ակնառու առանձնահատկությունները՝ ձևի և բույանդակության ներդաշնակությունը, ծավալների հավասարակշռվածությունը, ճարտարապետական միջոցների, ձևերի հարստությունը կարող են դառնալ «ժամանակակից հայկական ճարտարապետության ոճի լուղունգը»: Իսկ նոր ոճի վերածնունդը

³ См. в Ежегодник императорского общества архитекторов-художников. Вып. 9. Спб., 1914, с. 25—28.

«կարելի է իրականացնել ժամանակակից կենցաղի հետ ներդաշնակ միացումով»⁴, ասում էր Բունիաթյանը:

Իր հոգվածներից մեկում նա գրել է, որ հայկական արվեստի պատմությունը, և մասնավորապես ճարտարապետությունը, մինչև մեր օրերը շատերի համար հանդիսանում էր «փակ գիրք»: Նա ոչ մի «տեղ ամբողջովին չի շարադրվել, բացառությամբ ընդհանուր պատմությունը լուսաբանող հնագիտական մի քանի ստեղծագործությունների և ակնարկների»⁵:

Հայկական արվեստի պատմության ամբողջական պատկերն ունենալու համար Բունիաթյանը առաջարկում էր ուսումնասիրել հնագույն դարաշրջան-



«Խնտերնացիոնալ» բնակելի շենք

ները, հետադուտել կոնսերվացիա և հողին հավասարեցրած հայոց քաղաքները՝ Արմավիրը, Արտաշատը, հին Վաղարշապատն ու Դվինը, որպեսզի բացահայտվեն նոր պատմական էջեր: Նա գտնում էր, որ հետագա սիստեմատիկ ուսումնասիրություններում անհրաժեշտ է թափանցել մինչև Հայաստանի կուլտուր-պատմական հեռուների խորքերը՝ բացահայտելով նրա նյութական հուշարձանները և ճարտարապետության դարգացման հիմնական օրինաչափությունը: Այս նպատակով Բունիաթյանը ընդլայնեց հետազոտությունների իր ժամանակադրական սահմանները: Նա ուսումնասիրում է հելլենիստական շրջանի հուշարձան Գառնիի տաճարը, վերլուծում է հունահռոմեական ազդեցությունը նրա ճարտարապետության վրա: Բունիաթյանը մանրամասն նկարագրել և չափագրել է հուշարձանը իր բոլոր մանրամասներով: Նա առաջինը սկսեց Գառնիի տաճարի վերանորոգման աշխատանքները, հրա-

⁴ Նիկողայոս Բունիաթյան. Ժամանակակից ճարտարապետության ոճը և հայկական կերպարվեստը. — «Արվեստ», 1928, № 1—2:

⁵ Հռոմեական ճարտարապետության ազդեցությունը հայկականի վրա. ձեռագիր. Հայաստանի պատմության պետական թանգարանի արխիվ:

տարակեց, մենագլխություն և մի շարք հոգեվածներ այդ հուշարձանի վերաբերյալ:

Ն. Բունիաթյանը ձեռնարկեց «Հայաստանի ճարտարապետության պատմություն» աշխատությունը գրելու գործը. բալց, ցալոք, աշխատանքը մնալ անավարտ: Ճարտարապետի գիտական բնույթի ժառանգությունը դեռևս լրիվ բնութագրված չէ: Բունիաթյանի նախագծերով իրականացված ստեղծագործությունները դարձել են այսօրվա Երևանի անբաժանելի մասը և դրանցով մենք պատկերացում ենք կապում հայկական ուղեշտական ճարտարապետության նոր շրջանի մասին:

Այսօրվա երկնքից դիտելով 20-ական թթ. վարպետների գործունեությունը, ավելի ու ավելի է արժեքավորվում նրանց ստեղծագործական ներդրումը Սովետական Հայաստանի ճարտարապետության մեջ: Այդ արժեքները ստեղծած վարպետների շարքում պատվավոր տեղերից մեկը պատկանում է Նիկողայոս Բունիաթյանին:

АРХИТЕКТОР НИКОЛАИ БУНИАТЯН

Л. К. ДОЛУХАНЫАН

Резюме

Николай Гаврилович Бунятян (1878—1943)—архитектор, исследователь, педагог, общественный деятель, принадлежал к тому поколению деятелей литературы, искусства и архитектуры, которые стояли у истоков развития национальной культуры Советской Армении. Вместе с А. И. Таманяном и другими представителями старшего поколения архитекторов он открывал пути развития новой зодческой школы Армении. Н. Бунятян приехал в Ереван в 1924 г. по приглашению правительства Армянской ССР на должность главного архитектора города. В руководство строительством нового Еревана он вложил все свои творческие силы, знания, опыт. Архитектором построено свыше 70 зданий в Ереване и других районах Армении. Построенные им первые жилые дома нового Еревана на ул. Налбандяна, гостиницы «Интурист» (ныне «Ереван») и «Севан», Сельхозбанк на площади им. Шаумяна отличаются большим мастерством, замечательным масштабным решением, высокой культурой исполнения. Разная по художественному воплощению образов, архитектура этих зданий свидетельствует об интересных поисках, сопоставлявших деятельности архитектора. Бунятян имеет большие заслуги в исследовании архитектурных памятников Армении. Его обмеры памятников в районе средневекового городища Ани остались уникальными документами, свидетельствующими о существовании этих памятников. Большое место в творческой биографии Бунятяна занимает исследование, обмеры и первая реставрация храма Гарин. Значение творческого вклада Бунятяна в архитектуру Советской Армении неопределимо.